

惜
抱
軒
文
集

惜抱軒文集十二

墓誌銘一

內閣學士張公墓誌銘

并序

故資政大夫內閣學士兼禮部侍郎桐城張公者 贈
光祿大夫諱士維之曾孫 贈光祿大夫諱秉彝之孫
而太傅大學士文端公之子也 雍正元年 恩詔

開會試科是時文端公薨公之兄太保文和公已爲戶
部尙書充會試考官矣公以舉人例避不與試值
特命官別試迴避舉人於是公成進士改庶吉士授
編修遷左贊善歷翰林院侍讀學士詹事府詹事

今上卽位以公爲工部右侍郎公在翰林常充日講起居注官起居注素無條例爲者繁簡任意漏遺冗贅不稱史體公精思爲之寒暑在館十餘年編載詳贍

上以爲善於其職於是公以工部侍郎兼起居注官事本朝官不爲翰林而仍職注記者獨公爲然爲工部侍郎數年轉內閣學士兼禮部侍郎又二年遂告歸公爲人誠樸篤謹細微必慎每當入朝自書職名讀之曰某官張某又屈指計之曰幾字視紙上三四而後敢出奉使督江蘇學政遇試士日公服竟日燕處不脫人間之公曰取士國重典也敢忘其乎其爲侍郎謹奉法度而

絕阿私旣告歸則益以舊德篤行自守所爲喪祭禮制
多合於古足爲法式其自奉甚陋或人所不堪雖其家
人皆竊笑之然至族黨有緩急出千百金不惜也未嘗
私受人一錢門生某爲江西巡撫過公居奉數百金爲
壽公曰吾畚足衣食安用汝金爲又有以人禮寄公者
公曰吾生平無病烏用禮少爲宰相子久居京師冠蓋
之閒而終無世故能遇人無貴賤率意而言必忠必信
是以天下之士皆謂公長者公諱廷璩字桓臣兄弟六
人其四皆貴長少詹事廷瓚仕

仁皇帝與文端

公同時次太保大學士廷玉次禮部侍郎廷璐太保禮

部侍郎與公皆仕

憲皇帝及

今上最久公

之歸也禮部侍郎及太保前後皆告老而公最後沒

上聞顧謂左右曰張廷瑑兄弟皆舊臣賢者今盡矣
安可得也因歎息久之公卒於乾隆二十九年年八十
有四夫人吳氏子二長若泌舉人次若渠副榜貢生以
乾隆三十八年某月日合葬公夫人於桐城北投子山
麓銘曰

德葆以居才託其餘取安吾心不爲人夸士誰能然惟
公之行繼成於學始秉於性再世卿相家胡不隳厚植
根苞天則祐之我銘其幽所陳者信後世識之以固無

盡

四川北道按察副使鹿公墓誌銘

井序

公諱邁祖字紹聞定興鹿氏始明監察御史久徵有直
諫名久徵生正明嘉宗時嘗營救左魏諸君子之難天
下稱爲鹿太公者也太公生太常少卿繼善殉節死諡
忠節忠節子曰化麟舉鄉試第一居父喪歿人謂之孝
子孝子之子諱盡心公之曾祖也爲安邑令公祖諱賓
仕 本朝爲陝西道監察御史考諱聖權 封奉政大
夫公雍正八年庶吉士授編修以四川北道按察副
使罷官乾隆二十九年十二月十四日卒於家年六十

夫人王氏先卒子二琪廩膳生次預早卒以乾隆三十
二年 月 日葬公及夫人於江邨祖塋之側銘曰

鹿氏在明忠孝久稱有肖無替累以世嗣巍副使公彪
文縝質始作詞臣究通經術匪曰能言而允行之以學
事君在心不欺命作御史有辭審審君子所予小人所
憚巡察帝城周閱殷廣閉杜謁言按邪伐黨給事於中
掌禮吏科審較牘奏詳而不苛轉運奉使湘湖之南羣
吏放手民則弗堪覈正斗甬公以躬監正稅罔贏誅責
貪怵有盜殺人吏論如法撫軍卻之謂不當執罷按察
使而令公攝將散律令意授威懼或旁諷公公曰不可

要眇說先朝故事歷歷首尾如披史傳聽者每至中夜
忘疲是時長洲沈文愬公在吳公在嘉興天下以爲齊
名雖上亦稱爲二老也文愬旣歿後四年公亦亾
於是上自九重下洎朝士以及閭閻識與不識莫
不歎息悲傷謂東南耆舊盡矣公年八十又九再娶皆
俞氏皆一品夫人與公祔葬子七長侍郎汝誠次汝恭
汝懋汝隨汝豐汝弼公以汝弼嗣弟畧後幼子汝器

上南巡爲公賜汝器爲舉人女九孫男十五曾孫二
銘曰

多士雲興蔚此昌時孰爲魁英備履福祺秀水之郭鴛

湖之湄公起登朝作吏之儀歸樂太平爲羣士師上與
天子賡和其辭衆望哀然旣老不衰我嘗識之丹頰白
髭飲酒笑談寡怒多怡國有上瑞匪鸞匪芝進觀公貌
邊讀公詩詩則永畱貌不可追刻示後來吾言不欺

贈武義大夫貴州提標右營遊擊何君墓誌銘序并

君諱道深字會源山西靈石縣人以武進士侍衛乾清
門出爲貴州提標右營遊擊乾隆三十二年兵部尙書
明瑞總督雲貴進討緬甸集諸道兵君初不與調明公
聞君訓練營卒勇健有節度可用特檄以其衆至永昌
至則果整練異他軍明公善之秋三路由師以軍隨幕

府從取木邦破錫箔踰天生橋大戰蠻結先登奪柵殲
醜紀功一等又從入至窮窄去賊巢阿瓦城益近賊斲
木壘石守隘我師糧少火藥鉛丸盡師旋賊抄其後君
爲殿遇山谷險阨君必奮戰俾師得度至猛域未至猛
域前二日君中鳥鎗夜息有軍校曰君傷重矣賊至日
衆道險難與敵盍稱病且逸歸乎君曰賊衆乃將卒致
力時也叱之還明日戰益力初明公將中軍趨錫箔別
將分左右軍異路進約會師及至猛域兩軍不如約前
阻大山賊盡塞蹊隘環圍數重軍殺馬以食三十三年
二月丁卯明公令夜拔營起平明賊來邀君立高岡與

相拒他軍士從其旁得去君朝戰至日中被數創仆君
亾次日明公亦亾事聞上以中軍多戰功其沒以無
援賜卹特厚左右兩軍死事者殺其制不與之等於是
君得 贈武義大夫祀於昭忠祠祭葬卹蔭如制君祖
龍騰父思義皆 贈中憲大夫夫人梁氏先沒繼配武
氏君之赴永昌也武夫人方孕君沒猛域兩月子膺綬
始生君撫士嚴而有恩其聞檄令二日卽行而願擇其
無子無兄弟者皆勿從沒後軍皆悲涕以其帶髮返次
年 賜葬本邑銘曰

願與何君睂目清美揖讓溫溫以與余友佩鞬橫戈徂

佑賊詭正寧禍及我言忤上官解其柄持改任川北界
以疲羸親入山林掘盜根株哀問民生慰恤瘠枯直時
軍興征金川醜以馬濟軍百城交走或應於前而乏於
後歸罪邑令大吏借口公曰憊矣非令之咎予以身任
遂遭彈奏吏籍其家敝儿故書怨嫉之徒媿感嗟吁

詔荷公校以重軍罰大吏憐公勸使私脫公曰詔乎脫
余則爲苟非君命敢奸以欺卒朝夕荷西師隨罷既有
定功公亦蒙赦公之在官巋巋剛毅公之在家愉愉孝
弟歸遭父喪以毀受病秉道終身卒斃於正有懿夫人
飭身約己佐公清節諡不爲侈同穴江邨高墳磊砢我

州志卷之十二
四
銘直諒以厲姦姍

光祿大夫刑部尙書贈太傅錢文端公墓誌銘序并

刑部尙書嘉興錢公登朝爲名卿老而告歸上承 聖

人之殊眷下爲海內文學之士宗仰爲耆碩者又二十

餘年乾隆三十九年正月辛酉薨於里疏聞 上悼

惜甚至製詩哀之命贈太傅祀於賢良祠謚之曰文端

賜祭葬如制特予銀千兩治喪其子汝誠以是年

十二月葬公武原生坊南化城請余爲銘按狀公諱陳

羣字主敬明給事中贈太常卿徽者公六世祖也曾祖

諱陞祖諱瑞徵考諱綸光三世皆以公貴贈光祿大夫

妣皆一品夫人公之少也讀書穎悟過人未二十遊京師則已與諸名士論文唱和相得時言才士卽曰錢君康熙四十年公成進士改庶吉士授職編修

世

宗時三進官至侍讀學士充日講起居注官直南書房今上登極擢通政使司右通政四進官至刑部侍郎以疾歸里公當事持大體守成法爲編修時嘗爲陝西宣諭化導使在事稱爲能及久任刑部讞獄剖晰得情甚稱職然上尤愛公詩文之美嘗樂與考論今古稱爲故人公之歸也上每思見之公以所作詩奏進上覽之未嘗不稱善也公歸後五年上

南巡

賜在家食俸後三年

皇太后慈壽七

十公入都慶祝

命加尙書銜與九老之會圖形禁

中後又兩值

南巡加命以刑部尙書致仕晉太子

太傅至

皇太后壽八十公再入都年八十六矣

猶健步

上見公益喜

賜騎馬紫禁城再與九老

之會公子汝誠爲戶部侍郎侍養於家及是隨公入朝

父子卿貳持杖扶攜出入宮苑禁闥之中觀者以爲榮

其歸也又

賜詩以寵其行公嘗一爲會試總裁三典

鄉試再提督學政及年益高天下文士翕然趨之公亦

和易與後進談說往復論難不厭吟誦詩章音節抑揚

險而馳急難舍生義孰與多汾流之側君起厥邑往不
生歸銘寔無極

副都統朱公墓誌銘

并序

公諱倫瀚先世世襲指揮使於明屯戍遼陽左衛因家
焉三世歸我 太祖皇帝爲正紅旗漢軍世襲叅
領其子以從 世祖入關功爲鎮守山海關世襲

城守尉是爲公之曾祖諱登科祖諱廷縉襲職後改副
都統因亡世襲自是以白衣仕進副都統有弟爲湖廣
道參議諱廷案無子副都統使已子爲之後是爲公考
諱天爵爲建寧府知府有吏能清節公少而孤貧負軼

才奇氣而好學文武藝皆能盡其巧通知當時事變利病慨然懷濟人之志中康熙五十一年武進士選三等侍衛

聖祖偉其才使兼直武英養心殿數年改用爲刑部郎中持法堅不可奪時刑曹或破律放意以入人罪公疏論其非

上善之飭吏如公指雍正

中出爲寧波衢州知府浙江糧儲道布政副使衢民爲齋堂合衆誦佛書公曉以非道盡解其黨及大吏聞欲以邪教論衆已散去遂皆免運丁有積欠久不能償者且十萬金公計糧道所入歲償之竟除其逋

今上

初召入爲御史出莅湖廣驛鹽道復爲御史給事中掌

吏戶科巡南城擢正紅旗漢軍副都統在朝屢以事
陳挾絕萌姦民賴其愍公爲人和易好交遊而持身介
直仕宦恥爲家計晚歲益貧或至乏食其意益恬時爲
文自娛以至於歿年八十一有集十二卷公在浙江時

世宗夜夢道士見而請曰吾天台山道士也來
就陛下乞所居地帝寤異之使問於浙江吏言

天台故有桐柏觀今爲人侵廢且爲基矣詔還

爲觀俾公董其事公成觀而民無疾焉往來山中爲詩
一編曰天台遊艸其辭尤奇雋士多誦之自聖

祖慶公畫世傳寶朱公指畫及書然公修已立朝卓然

於眾不詭隨蓋有古人之風豈以文士論哉子五人長
孝先次孝升舉人縣知縣先公卒次孝全次孝純次
孝揚乾隆二十五年葬公宛平西北十五里祖墓之側
夫人附銘曰

言以法審刮吏瑕行以義域不爲他苟利於國家則贏
偉哉中藏鬱以多抑揚文武誰不宜遠毗涕泗百士嗟
作銘幽室埋其阿此石可泐名不磨

淮南鹽運通判張君墓誌銘

并序

君諱延璇字清紹桐城張氏始以仕顯者曰明廣西布
政司叅政淳史錄諸循吏叅政之孫秉哲順治時以能

文名爲舉人舉人生都水員外郎芑都水四子其季爲
君君少修謹寡子弟之過長以薦舉試職於禮部出爲
東臺鹽課大使擢鹽運通判分司通州廉慎於法所職
無不舉通州符生以文爲君知嘗侍從容以吏事干君
君曰書生乃可言及此耶旣而曰汝毋乃貧乎曷不語
我而俾人以利誅汝遂厚予之生感而奮爲善士海濱
以竈戶煮鹽舊給之田竈戶輒賣之民且百年田價增
八九倍而田數易主矣有議奪田與竈戶使竈戶第償
故直君曰是非平法也且竈戶貧不能買田必姦民誘
使爲名而陰據之是平民失業而姦民利也以告上官

不聽君曰厲民爲媚可乎投劾遂去君與太保文和公
皆叅政元孫也君績學工詩善楷書言行有蘊藉太保
尤器之然仕於內外皆不竟其志年四十餘卽歸歸而
飲酒賦詩接鄉里歡然無間其居衆中望其狀疑如也
娶左氏生子若兆教其子少毋與人接甯年十九時君
一日見之歸使若兆獨與之友君沒於乾隆三十三年
年六十七始厝他所逾年若兆定葬君某所左安人
耐甯爲之銘曰

羣言以禮士容凡凡維邦之祉羣言詭隨士容昌被邑
以敝墮鳴乎子尙見古之人以恪以循旣畚以墳以徵

子文

原任少詹事張君權厝銘

井序

君諱曾敞字塏似桐城張太傅文端公之曾孫禮部侍郎諱廷璐之孫翰林院侍講諱若需之子年二十一中乾隆十六年進士改庶吉士授翰林院檢討自文端至君爲翰林四世矣是時君家太保文和公解爲相歸而侍講及羣從在朝爲翰林者四人君年最少材器通美究識古今事宜國家典故而持已清峻人謂君且繼其家兩相國後也君爲檢討十餘年值御試翰林名列第五進侍讀充日講起居注官四遷至詹事府少詹

事兼侍讀學士又值試翰林列第三當進官

詔特

褒君而未及遷自有記注官君家世職之及君尤講正體例嘗獨任一館之事諸城劉文正公爲掌院每歎異君君疾士大夫骯髒隨俗節概不立欲以身正之見於辭色衆頗憚焉君三爲順天鄉試同考官有公廉名逮己丑科會試復同考時武進劉文正公爲考官知君可信君所薦卷中者較他房多且再倍君又以嶢然獨立稍自喜也於是榜發磨勘有摘君所薦舉人梁泉卷疵類數十當斥革吏遂傳君法革職提問會考驗無纖毫私狀而梁泉故鄉舉第一

詔卒復梁泉舉人君雖

釋罪而竟廢矣於是惜君者莫不咎當時議君之重而謂兩劉相國宿知君賢而不能爲一言於上而

顧使疾君者得其快嗟乎君進非人所得援其退非人所得沮天則使君仕不究其才而志不信於世也而何咎邪其後君以萬壽加恩復五品頂帶歸主晉

陽江漢大梁三書院乾隆四十二年正月卒於大梁年四十七始娶姑女姚氏生一女適孫起畱再娶定興鹿氏生子元艮側室生子元襲元袞其匹也長子才十二歲君少而孝友持喪以禮於族姻朋友事雖難成者任之必盡其勞謀之必竭其慮雖疏遠以急投之必應乙

亥之歲江南饑君居侍講憂在里倡捐米出賑平糶晝
夜營之以活一縣之衆又以糶餘錢積穀以待歲饑今
吾鄉所謂永惠倉也爲文工爲應制之體尤好古人文
章託意深邈而不比於時者仕方顯而爲詩示余多憤
慨深鬱之詞蓋其所志遠矣君與余家世姻少相知又
嘗重余父君喪之歸也余旣以辭祭而哀之乃復爲其
權厝室銘曰

綺組會者絲邪而孰爲之機邪鳴者匏簧邪而孰喻以
揚邪物或以冬榮或盛夏而先零孰主是而爲之勸成
以盛族有君志則抗而節弗污旣駕而驚而躡於中路

甚乎吾奚知其故維紀其人而如可以呼

翰林院庶吉士侍君權厝銘

并序

君諱朝字潞川泰州人也其先姓侍其明初去其稱侍氏會祖諱念祖祖諱震考諱衛皆諸生而祖考得贈如君官君少孤好學無師友之助而於古文辭詩歌四六諸體皆習而能之始冠得鄉舉初聘泰州沈氏沈氏女不啻得瘖疾其家願無嫁請君他娶君不可卒與處無嫌惡且十年沈氏卒而後娶江寧鄭氏人以爲難君內行修外重交遊有死生之誼而性峭急聞人一善稱之不容口惟恐世不及知及見行有失道理者亦切齒忿

怒若不可須臾共處世者然故世亦以此過君乾隆二十五年成進士當就吏部選知縣君曰吏事非吾所堪也後國子監缺丞

詔大臣於進士中選得君君任職以不阿上爲節有共事不合君者君不能堪卽日引疾去久之會修四庫全書大臣有知君之才奏爲校勘官旣而爲總校君校書數倍他人而最精當乃

命爲庶吉士是時君已得疾而讐閱不懈乾隆四十二年瘍生於首秋七月晦竟卒年四十九無子女嫁者一幼者二其弟臣仕浙江亦未有子君妻弟鄭君厝君甘泉之西山以待臣生子而後之雖知君最久故爲銘銘

曰

山璞瑤琨器則侈也龍淵大阿銳則折也嗟子忼忼勇
言義也子以自居甘與黷也日暮延登才未竭也天生
不與之年死不與之繼世也芴兮以託於茲吾儼以志
也

亡弟君俞權厝銘

并序

先贈大夫三子長鼎次訃次鼎訃字君俞幼於余八歲
嘗以一鐙環坐三人而讀書其時家貧甚中夜余歎以
爲聚讀之樂不可得而長也君俞聞而悲獨甚余二十
二歲授徒四方以爲養旣孤又仕京師使兩弟侍太恭

人於家久者十年或四五年弟兄不相見君俞獨以應順天鄉試閒入都每來學加充識加明行加慎余輒喜其初病目幾瞽及俞而作真行書甚工余益以喜然君俞數困場屋後以監生試吏部得吏目職於是君俞意彌不懌值南昌李侍郎督學浙江邀之同往侍郎事或不當君俞輒諫之其夫人聞之太息而稱爲益友也君俞聞余歸里遂亦歸逾年丙申歲夏六月感暑疾初如甚微夜不能言且遂沒嗚乎余不孝不友不能亢其家君俞存余冀其有以爲太恭人慰也君俞亡余其斷棄也已君俞娶張氏再娶倪氏一子三歲名曰恩余惡知

能卒使其成立耶銘曰

貌碩以豐氣寬以有容友達而寡閔替卅八而奄終天
乎人乎宗之不振乎厝汝以近先君乎知我言哀者鬼
神乎

左衆鄒權厝銘并序

衆鄒諱世經考曰贈文林郎諱激母曰張孺人祖曰贈
文林郎諱之延祖妣曰姚孺人孺人爲鄒曾祖姑於親
黨君爲余丈人行然而年相若少而志相善也君娶舅
女其妻之弟應宿及君兄一青及余四人少者十餘歲
長者二十餘里居無他交獨四人相遇不厭而君於其

閒尤沈靜寡言笑勤學喜爲詩詩成視余輒以意指瑕
類君不爲忤輒芟易之一青與余常出遊君偕應宿營
視余家甚備其後一青丞湖北縣以獲盜功升爲令入
京師過余旅舍篝鐙夜對太息憶君與應宿雖爲諸生
而方藝花竹爲園遨遊歌詠山水邈然不可逮也一青
爲令六年罷去後二年余亦病歸然後四人者復聚於
里中時乾隆乙未夏也然君比已被疾其秋加劇九月
竟卒夫人倉卒遽慟從而絕逾年一青病至冬亦亡夫
交友久離及其遇而遽亡之雖常人猶可悲矧君兄弟
之賢而與余之厚邪君卒年四十七一子七歲曰虎顧

宿撫之厝君暨夫人柩縣北古塘而余爲銘待虎長而
葬君銘曰

嗚乎衆郛之柩也志學而將究也身隱而年弗壽也繼
者昆而偕亾者婦也厥天爲之夫焉咎也維余之與舊
也銘以詔孤之幼也

惜抱軒文集十三

墓誌銘

兵部侍郎巡撫貴州陳公墓誌銘

并序

公諱步瀛字麟洲陳氏先世居歙公會祖諱時賓遷江寧遂爲江寧人祖諱應陞考諱士鉉家故殖財至公考爲文學好施予盡亡其貲生四子而公爲季公長益貧精厲爲學閱傑於文詞中乾隆二十六年恩科會試榜第一選庶吉士散館改兵部主事再擢至武選司郎中公考至是年八十餘乃卒公爲養與喪皆常人意及後爲安徽布政使則自曾祖至考皆獲贈通奉大夫如

公官妣皆贈太夫人公在兵部職事修辦吏不能爲姦服闋其尙書奏請補車駕司郎中逾二年授河南陳州府知府再擢至甘肅按察使讞獄平值平涼府鹽茶廳回民爲亂黨連數郡人心皆聳爲逆者聚於通渭石峯堡而總督李侍堯乃託以追逸賊西往靖遠獨留公扼隴上爲守禦公亦憤發不避險難盡拘爲逆者之家又擒其分處他縣爲間應者官軍初戰失利公度賊乘勝必東犯陝西以隆德平涼當下隴之要而守衛單弱卽撥固原兵分守而後奏聞其後賊果東犯不得過公奏之達上以爲知兵命大臣督軍至且詔事與

陳某議之公迎說形勢事理無不究又籌糧饋入險阻
皆給逾月賊平公雖身未履戰陳而功足以埒上

乃擢爲布政使而旋調任於安徽 賜之花翎以犒焉

乾隆五十年江淮大饑米升至錢五六十暴民脅衆爲
攘公徧至所部頒布 上恩督吏賑卹防捕盜賊全

護疲困自夏迄秋未安徽得寧而公勞瘁成疾其後擢

貴州巡撫抵治所舊疾大作遂薨爲乾隆五十四年十

一月某日年六十公爲人坦白和易雖於屬吏無矜容

屬氣然審察能否進退必當其才安徽布政司書吏皆

江寧人公臨之有恩誼而不以奸公法公自奉儉陋其

在陳州嘗舉家食糗於族戚故舊助恤常厚歲時餽問
無間所在官舍來居者常滿少工文章喜誦書老而不
倦承學弟子多材而秦中丞承恩與公進士同榜又同
一年爲巡撫人以爲美談公嘗偕公官兵部公來安徽
鼎方主安慶書院於公習且久公子舉人廷碩國學生
廷碩以乾隆五十六年 月某日葬公江寧城北
山之麓請鼎爲銘銘曰

公以文興多士誦稱不究其能司武是膺秉節西疆布
迺有方力不挽強戎慝翦襄 天子命將謀以公壯
以戰以饗其阻有蕩陟登大吏而親勞事爲 國之志

爲身之憊養其疲羸拊其寒飢誅其譴欺斥其不治協
維帝心開府西南不以歲深雲而弗霖金陵之里
兩中丞起公壽先已貽休弟子鍾山東北卜維公宅植
保松柏載詞藏石

贈承德郎刑部主事鄭君墓誌銘

并序

君諱士俊字灼三歙諸生以子貴 贈承德郎刑部奉
天司主事鄭氏歙舊族也自君考諱廷証以上皆居歙
之嚴鎮歙人營賈淮上或僑居揚州君少孤貧從妻父
李氏宦居南昌後依族人居揚州儀真縣君爲族人謀
事盡其智能而無欺嘗值歲饑爲粥以賑揚之餓者及

歛鄭氏廟敝壞營而新之君皆任其事勤苦數倍于人
曰吾藉人財以爲善吾力不容惜也君旣定居儀真乃
迎其兄弟之孤及從父兄之節婦洪氏皆來居而養焉
乾隆四十二三年間余主揚州書院歲一二歸歸必過
儀真然未嘗識君識君子文明君婿呂彩從余學時言
其舅誠篤長者也其後十餘年文明成進士授刑部主
事呂彩亦與鄉舉矣乾隆五十年二月初三日君卒逾
年余在江寧文明來求爲君銘因言未得葬地余姑應
之曰吾嘗行儀真西三十里山川體勢如可葬者又逾
年文明又至曰果得地于西三十里張家坳已葬君矣

將補納石求卒銘之余不意言之幸中自念老矣當不復至揚州於其山水人物有足興舊思者而文明又求銘甚勤安得弗銘也君二子文明文盛一女四孫銘曰慎所履載謙飭子升朝父遺德生江南亡葬北塋升原茂翳植大厥族歲千億

嚴冬友墓誌銘

并序

冬友江寧嚴氏諱長明一字道甫乾隆二十七年

車駕南巡君以生員獻賦 召試 賜舉人內閣中

書就職旋入軍機辦事君在軍機凡七年通古今多智又工於奏牘諸城劉文正公最奇其才戶部奏天下雜

項錢糧名目頗多請去其名而以其數併入地丁徵收
君曰今之雜項古正供也今法折徵銀若去其名他日
吏忘之謂其物官所需民當供且舉再徵之是使民重
困也文正曰善乃奏已之大金川之爲逆也大學士溫
敏往督師欲君從行君固辭退有咎君柰何違宰相意
者君曰是將敗沒吾若何從之人頗甚君言旣而溫公
卒致軍潰以死隨往者皆盡辛卯 恩科會試劉文正
公爲考官值軍機事有當關自君撾鼓入閣得見旣而
出同考官朱學士筠曰甚哉冬友不自就試而屑屑治
吏事爲文正曰士亦視有益於世否耳卽試成進士何

足貴當是時軍機有數大案賴君在直任其勞獲成議而雲南糧道以分賠屬員虧銀不完將死去限期十日君具贖入請文正奏寬之乃生其年遂擢侍讀君治事衆中獨勤辦然以是頗見疾其後連遭父母喪服終遂請疾不復入間遊秦中大梁居畢中丞所爲定奏辭還主廬陽書院乾隆五十二年八月~~癸~~日卒於合肥年五十七君於書無不讀或舉問無不能對爲詩文用思周密和易而當于情嘗爲平定準噶爾方略逆鑑輯覽一統志熱河志四纂修官其自爲之書曰歸求草堂詩文集及論辯經史書算文藝金石文字者凡二十餘部百

餘卷祖諱馨父諱自新俱以奉直大夫內閣侍讀爲贈
封官夫人南昌耆士葉用章之女生男女各二男曰觀
晉余在都時君時與相從見君朝趨省禁暮入文酒之
會若甚暇者然或以事就君謀必得其當君嘗語人曰
異日先去官者必姚君也後數年余請告歸過江寧君
見迎笑曰吾固料君之來也余居皖中君一來會後余
再至江寧而君喪矣乾隆
年
月
日葬君及葉
夫人於某所君之子請銘銘曰

偉猗冬友當時羣士智孰與醜旣筦事樞振物之首才
非不見知而其仕之登不究得年非夭而亦不爲壽天

命若是夫孰可多有伐石鑿詞瘞貽弗朽

孔信夫墓誌銘

井序

信夫諱繼洫孔子之六十九世孫而曲阜衍聖公諱傳鐸之季子也幼而才儻衍聖公爲聘華亭張尙書照女女殤而君遂習於張氏尙書以書名天下君得其筆法書蓋埒之又善於鑑別收集古今名家書鐫刻論辨世所傳玉虹樓帖也其於詩文爲之皆工善乾隆三十三年余主山東鄉試得君及君兄戶部之子廣森時廣森才十七歲而君年四十餘名著海內久矣其後廣森得第爲檢討以經學稱三十五歲而殞君之少也值

上釋奠闕里嘗充講書官及爲舉人累會試不第納貲
爲中書舍人未就職又值

上東巡於中水行宮召

使作書及進

上稱善然竟不獲仕終於曲阜初衍

聖公夫人



氏生冢子繼漢繼夫人徐氏生戶部及君

冢子之後襲爵三世君與戶部皆及之其遇曲阜公事
以祖父體自任也其氣皆剛直人或與之或否其後戶
部不樂家居客遊杭州以沒檢討哀痛遽殞不數年而
君又繼之嗟乎君與檢討之生世第一家也又以文學
才藝名著天下余一旦遇之二三十年間見其死亡至
盡雖其文采風流不可磨滅而志意抑鬱乃更有甚於

常人者其可悲爲何如也君於交遊有始終之誼鄉里
值歲饑出千金賑之者三焉乾隆五十六年余在鍾山
書院君夏來江寧視余再宿而別君遂以是年十二月
戊辰卒年六十五無子以戶部少子廣廉嗣將死貽書
乞余銘其墓銘曰

猶子聖人之世也廓其知也蔚其藝也名上聞于朝而
下載于四裔也完則毀而剛則折也有疾而不可久也
銘託余哀以待後君子之達其志也

陝西道監察御史典化任君墓誌銘

并序

君諱大椿字幼植其先爲王氏在元有爲山東行省平

章事者曰王信其子宜繼居父職元亂避居興化改曰
任氏爲任氏之十三世爲歲貢生鑣其子晉中乾隆已
未科進士官徽州府學教授是爲君祖生庠生葆爲君
考祖考皆以君得 贈封朝議大夫禮部儀制司主事
君之少也穎敏于學爲文章有盛名又性和易謙遜人
無貴賤靡弗愛君然君固有特操非義弗敢爲故自少
至老終於貧窶乾隆庚辰 恩科君爲舉人中已丑科
二甲一名進士故事二甲首當改庶吉士人皆期君必
館選矣然竟分禮部爲儀制司主事君每日自官所歸
輒鍵戶讀書如諸生時值 詔開四庫全書館大臣有

知君才舉爲纂修官是時非翰林而爲纂修官者凡八人龍與君與焉君既博於聞見其考訂論說多精當於纂修之事尤爲有功其後龍以病先歸君旋遭艱居里旣而龍遇君淮上當是時四庫書成凡纂修者皆議敘嚮之八人者其六盡改爲翰林矣大臣又以龍與君名列之章奏而稱其勞請俟其補官要奏君於是初服除將入補官亦以見邀龍以母老謝君獨往然大臣竟不復議改官事君自循資遷員外郎郎中保御史乾隆五十四年四月授陝西道監察御史甫一月而卒年五十二君賢者居曹司固亦佳吏居言官苟非日淺亦必有

所見然終不若以其文學居翰林之爲得人也而惜乎其竟抑不得也君事父母能於貧匱中盡其養待族友有恩誼而不可使爲諂瀆所成官書外其自著者曰經典弁服釋例十卷深衣釋例三卷釋繪一卷字林考逸八卷小學鉤沉二十卷吳越備史注二十卷惟字林已刊板詩集已刊者四卷其餘與雜文未刊者又若干首君學博奧而於爲詩則尙清遠不多徵引曰此非詩所貴也娶趙宜人無子沒後三年弟大楷始生子熾炎以嗣君又後十二年葬君於某處肅昔者與君本相知及同處四庫館則朝晡無不偕有所疑說無不相論證也

退而偶有尊酒召賓之設無不與同也閱今二十年同居能者死亡殆盡而猶僅存君弟大楷來求爲誌乃愴懷而銘之曰

嗚呼幼植之瘞不居文章之官而旣爲其事矣不至耆考之壽而著書足名後世矣生不見子而沒可以祀矣吾爲銘之足慰君志矣

夏縣知縣新城魯君墓誌銘

井序

君諱九皋字絮非建昌府新城魯氏也大父諱宇康熙庚午科舉人爲內閣中書考諱淮歲貢生爲廬陵縣學訓導君爲人敦行誼謹於規矩而工爲文人觀其言動

恭飭有禮而知其學之邃讀其文冲夷和易而有體亦知其必爲君子也嘗踰嶺至建寧謁朱梅崖而受其爲古文之法於四方學者苟有問君必虛心就而求益雖以黼之陋君嘗渡江至懷寧見黼而有問焉君古文雖本梅崖而自傳以已之所得持論尤中正里居授其學于子弟及鄉之雋才又授于其甥陳用光且使用光見黼蓋新城數年中古文之學日盛矣其源自君也其爲科舉之文不徇俗好自以古文法推而用之或以爲不利場屋君曰得失命也君竟以乾隆庚寅科得鄉舉辛卯恩科成進士歸居十餘年奉養祖母及父因益力

爲學而因事設方以利其宗族閭里雖貧而必致其財
雖勞而必致其力逮終養乃出就官是時熊聞寓書諫
君謂今時縣令難爲而君儒者違其長而用之殆不可
然君竟謁選得山西夏縣縣當驛道又時值後藏用兵
使驛往來日不絕縣舊分二十餘里里以次出錢供役
謂之里差吏因爲利民致大困君自持旣廉又減其役
之得已者而重禁侵蠹民大便之而樂爲役君顧歎曰
吾不能盡去里差是吾恨也其兄民煦煦然告以義理
所當從及去不作長官威厲之狀民亦欣然聽其教於
是縣號爲治上吏亦絕重君矣熊聞乃自告前者知君

之淺固不能盡君才也然君亦以積勞致疾在縣凡兩期以乾隆五十九年三月卒于官年六十三娶楊孺人生四子肇熊肇光嗣光迪光四女子又庶出之子五皆少一女肇光拔貢生君以後母弟某嗣光壬子科舉人君以後從父弟某皆能嗣君古文學者而肇光先殞君文曰山木集已刻者若干卷未刊者若干卷某年月日葬君某所嗣光及君甥用光皆以書來乞銘銘曰孰謂儒者不可以理繁庶孰謂學古不可爲今世語美哉魯君其行企矩其文附雅卒寘德在夏而士興其庭宇其生也有令譽其亡也有傳緒其葬也於是野

汪玉飛墓誌銘

并序

汪生行忠信而立志甚高不與今世士同流謂士舍宋
儒程朱之所道以爲學舉不足云學也晝動而暮休必
考一日所爲得失離合悉書於一冊以自爲戒勸事其
父兄撫其妻子交其師友循今世之禮通以古人之意
見者未嘗不以爲當於人心爲今世易屋之文必求發
古聖賢之旨而不爲苟美余主鍾山書院生以上元學
生來爲弟子余德薄不足爲生益然生親余尤至相見
論說依依者幾三年而生遽死生故有咯血疾而爲學
研思不懈余時戒之乾隆五十六年秋冬間忽大甚至

失音余方歸里亟以爲憂其次年春正月疾進時時念
余遂卒余復至遂不見生嗟呼使生不死必追逮古賢
人必有立於天下不幸亡學未成行未著知其異於今
世學者唯余而已生年二十六其父七十餘子雲官甫
六歲妻楊氏割肱療生不愈終爲瘻而守之余爲擇攝
山東南故曇花寺址石阜葬生而爲銘曰

古秣陵明南畿粵汪生挺產茲名兆虹字玉飛聖不作
望縉哉負有轍崇有階遑勸志明弗幾抗發塗蹶駿才
亡天平理則乖痛無沫伐石埋翳姚鼎綴此辭

鮑君墓誌銘 并序

贈吉冠曾孫希曾皆爲舉人而希曾爲江西鄉試榜第一太夫人沒後三年以第三人及第爲編修其餘多文學可觀者人謂封大夫及太夫人植德不懈足興其家宜其後之昌也乾隆五十九年某月日合祔封大夫墓余於太夫人子知其伯仲少客南昌及見凝齋先生而太夫人孫用光從學余爲文故得其家世素行宜爲之銘銘曰

維

清有道天子鉅祥

帝見元孫福錫四方母

儀江嶺秉德柔正秀苗曾元

國庥家慶夫以儒興子

有治聲慈惠鄉閭人樂其榮荷塘之野大夫之墓山周

水回宜耐永固

章母黃太恭人墓誌銘

有序

太恭人桐城黃氏處士諱貞吉之女適章氏爲 贈中
憲大夫松太兵備道諱某之冢婦 贈中憲大夫松太
兵備道諱天祐之妻生二子長曰東桂爲候選州同知
次曰攀桂爲江蘇松太兵備道獲以其官贈祖考以太
恭人封妣者也太恭人年三十三而寡舅姑老且疾矣
而子甚幼逾十餘年又喪夫之弟太恭人能晝夜勤苦
操作以殖其產又能上盡奉養以及舅姑之終下撫教
稚弱以至於壯祀先人調親舊應賓客皆盡恩誼人謂

章氏一婦任二子事也其後攀桂仕爲渭源知縣擢知鎮江江寧府監司蘇松皆迎太恭人於官舍諸孫屢與鄉舉矣人皆榮之太恭人被服自奉之具不加於其素而修治先廟基餽遺族黨濟人乏置則每進而廣焉乾隆五十年江淮大旱民死亾相繼太恭人適在里睹大哀之盡分藏廩于族戚故舊以書述于於浙江購山芋玉米數千石雜錢米濟賑所費萬金攀桂迎之官不可曰吾去若饑者何於是攀桂亦遂請養歸逾再期乾隆五十二年冬十二月太恭人卒年八十有一卒而來哭者填戶曰微夫人吾死久矣孫五曰夢橋甫維極維桓

維棟曾孫四初太恭人頗通形家說與其子營葬夫贈
中憲於縣東南蟠子湖之北原命曰異日勿啟耐以驚
神靈其子乃爲卜宅於縣西二姑峯之麓登其巔以嚮
蟠子之湖明如趾下太恭人乃喜以卒之次年十二月
某日葬銘曰

施則侈也於已苟完有子承之其惠以殫山之嶽也中
有原趾出石泉湛甘寒首於西北嚮東南間德人居之
固且安藏詞堅石永不刊

廣州府澳門海防同知贈中憲大夫翰林院侍講
加一級張君墓誌銘 非序

君諱汝霖字芸墅宣城張氏大父諱宿父諱中聖皆爲
縣學生皆贈中憲大夫君自縣學生雍正十三年爲拔
貢生旋以人才保舉乾隆元年引見命爲知縣分發
廣東任河源香山陽春知縣其至香山者再而攝署之
縣又三四焉君初在香山遭母汪太恭人喪憂居新任
令未至姦民賴姓乘隙爲亂君卽起捕倡亂者寘之法
而杖校其和從者逮新令至而邑已寧其後至香山免
荒埔報升之稅修城南羅婆陂成灌溉之利而禁豪家
爲隄堰之厲民者海南徐聞縣民惰蠹布種後不知糞
糞穽車之事而婚姻尤無禮式君攝其令乃教之如內

民時廣東有開鑛採銅者七縣地力盡而役未止君攝
英德縣知其病請于巡撫奏停焉澳門者香山南境斗
入海西洋夷民居之以與中國爲市時設同知官甫二
年上吏以君賢俾攝其職君尤能得夷民情而柔調之
故卒授君爲澳門同知值事吏議降一級上官惜君去
奏請畱粵而部議不許君遂返宣城不復出矣君博學
多聞尤工駢體文及詩嘗爲澳門記略斬宛雅若干卷
詩約若干卷自爲詩文集三十卷政牘五十卷乾隆三
十四年七月八日卒於家年六十一配袁恭人生君長
子燾乾隆癸未科進士爲翰林院侍讀得贈君如其官

一女適附監生梅學側室梁安人生二子廣西布政使
經歷倭太學生炯二女一適諸生劉平未嫁死孫男十
一孫女七乾隆 年 月 日葬君于寧國縣花
塢山村之原桐城姚鼐與肅爲進士同年又與炯相知
於君葬後爲君補爲墓銘銘曰

懿維君吏海濱安內民外夷馴爲國勩著有勳未上聞
乘歸輪聚典墳閭厥文子繼振蔚以彬瘞泯泯昭億春
吾銘云

袁隨園君墓誌銘

井序

君錢塘袁氏諱枚字子才其仕在官有名績矣解官後

作閩江寧西城居之曰隨園世稱隨園先生乃尤著云
祖諱錡考諱濱叔父鴻皆以貧遊幕四方君之少也爲
學自成年二十一自錢塘至廣西省叔父於巡撫幕中
巡撫金公鉉一見異之試以銅鼓賦立就甚瑰麗會開
博學鴻詞科卽舉君時舉二百餘人惟君最少及試報
罷中乾隆戊午科順天鄉試次年成進士改庶吉士散
館又改發江南爲知縣最後調江寧知縣江寧故巨邑
難治時尹文端公爲總督最知君才君亦遇事盡其能
無所迴避事無不舉矣旣而去職家居再起發陝西甫
及陝遭父喪歸終居江寧君本以文章入翰林有聲而

忽擯外及爲知縣著才矣而仕卒不進自陝歸年甫四十遂絕意仕宦盡其才以爲文辭歌詩足迹造東南山水佳處皆徧其瑰奇幽邈一發於文章以自喜其意四方士至江南必造隨園投詩文幾無虛日君園館花竹水石幽深靜麗至櫺檻器具皆精好所以待賓客者甚盛與人畱連不倦見人善稱之不容口後進少年詩文一言之美君必能舉其詞爲人誦焉君古文四六體皆能自發其思通乎古法於爲詩尤縱才力所至世人心所欲出不能達者悉爲達之士多効其體故隨園詩文集上自朝廷公卿下至市井負販皆知貴重之海外疏

球有來求其書者君仕雖不顯而世謂百餘年來極山林之樂獲文章之名蓋未有及君也君始出試爲溧水令其考自遠來縣治疑子年少無吏能試匿名訪諸野皆曰吾邑有少年袁知縣乃大好官也考乃喜入官舍在江寧嘗朝治事夜召士飲酒賦詩而尤多名蹟江寧市中以所判事作歌曲刻行四方君以爲不足道後絕不欲人述其吏治云君卒於嘉慶二年十一月十七日年八十二夫人王氏無子撫從父弟樹子適爲子旣而側室鍾氏又生子遲孫二曰初曰禧始君葬父母於所居小倉山北遺命以已祔嘉慶三年十二月乙卯祔葬

小倉山墓左桐城姚鼐以君與先世有交而鼐居江寧
從君遊最久君沒遂爲之銘曰

粵有耆龐才博以豐出不可窮匪雕而工文士是宗名
越海邦藹如其沖其產越中載官倚江以老以終兩世
阡同銘是幽宮

郭君墓誌銘

井序

吳江郭君諱元灝字清源其祖諱如龍考諱謬君少工
爲文爲吳江學生而陸中丞耀之弟子也中丞最稱賢
之君居家授徒僅以供養父母而已其室時至匱乏而
不以爲憾中丞貴亦絕不往干第與書往來論學乾隆

五十一年君年五十三卒孺人進氏無子側室翁氏生子麀鳳麀嘗從余學爲文君亡其考猶在而家益貧麀出遊求養旣而君考亡又數年麀乃克葬祖若父于是葬君於嘉善縣澄湖港之阡時嘉慶二年也次年遇余于杭州乞補爲君誌余宿知吳江陸中丞天下君子其所許必君子無疑也而又哀麀志乃爲銘曰
篤爲學文可稱守有介行中繩進而與之君子朋吳越兩縣間一勝回見故國喬木升於焉卜兆曰永寧

江蘇布政使德化陳公墓誌銘

并序

公諱奉茲字時若其先陳宏都王叔明十世孫崇唐末

爲江州長史聚族爲孝義僖宗旌之其後五世自南唐
及宋皆旌爲江州義門後乃遷居南昌明季又自南昌
遷德化居德化三世爲九江府學生倣倣生範康熙戊
子科舉人爲安義縣教諭生絢爲德化縣學生是爲公
考自曾祖至考三世俱以公貴贈通奉大夫江寧布政
使妣皆贈夫人公生二十二歲中乾隆丁卯科鄉試第
一庚辰科成進士授四川知縣凡知蓬山閬中擢知茂
州皆有善政當金川爲逆大將率兵討之任公主礮局
及修飭兵興橋路常居口外山谷間瀕危勞績甚著有
三難土司地當進攻金川之路官兵猝至三難長卓爾

碼婦人也謂且伐之閉道不通將按譴言三雜畔矣宐
先攻公告將軍三雜未知國家意耳非畔也請往察而
諭之將軍從公策公至一告諭卓爾碼卽散守者具狀
上謝且奉軍過甚謹其後 詔加其封號曰賢順卓爾
碼以謂惟陳公活我又予我以榮也公旋晉嘉定府知
府及建昌道其居官日常寡出入邊塞仁恩素著多所
鎮定中外皆稱之 上乃授公四川按察使乾隆五十
二年調河南按察使居二年調江蘇旋擢江寧布政使
居四年調安徽未半歲又調江蘇公始在蜀最久凡二
十七年其後居江南亦九年歷四任熟習民情洞其利

弊能以簡靖漸祛其患未嘗厲威爲聲名吏民愛戴以
謂得大臣之體好士樂善獎掖知不及公自壯入蜀至
老受任不得歸乃取鄉地自號東浦以寄思士皆稱東
浦先生云其天才高厲作詩專法杜子美論者謂朴厚
之氣殆足媲之平生經歷多異境舉凡所爲詩凡千首
曰敦拙堂集古文則所爲不過十餘篇然實得古人之
法今世作者無能逾也公年七十四嘉慶四年正月壬
午薨於蘇州夫人桂氏同縣縣學生某女有賢智從公
居建昌時卒生蔭生候選員外郎大來候選州同知方
來又生二女側室蔣氏生候選布政司理問斯來戊午

科舉人具來側室張氏生候選司務備來公嘗喜桐城
姚鼐之文薨前一歲在江寧監臨武鄉試見鼐語曰我
死必得君志吾墓鼐曰公方健何言是也然心諾公及
公子於 年 月 日葬公某所卒爲銘鼐也銘曰
才爲國勞險阻載遭靖彼紛囂平寧安處來宣江濟從
容風雅民曰吾宜列士懷儀未究其施有政可頌有文
可誦名存身薨匡廬前麓故居爰復永安幽谷

方侍廬先生墓誌銘

有序

方先生桐城人諱澤字亭川侍廬其自號也祖某父某
先生少有異才高識遊江寧與諸名士遊一時才儁之

士言行多險怪先生默默獨守中行其後同遊者多及禍而先生弗與然頗經紀其喪有終始之誼退爲諸生久屈場屋長白觀尙書保以學士督學安徽最知先生賢乃舉優貢入都時先生年五十矣再入北闕不售爲八旗生教習歲滿詔以知縣用先生不樂就歷遊湖南河南山西學政幕內徧觀山水之勝作爲詩歌以自娛最後主洪洞玉峯書院得疾歸歸未幾卒年七十一先生與蕭伯父編修府君少爲交友編修府君仕京師時先生館於蕭家蕭兄弟皆受業先生論學宗朱子論文宗艾千子惡世俗所奉講章及鄉會闈墨禁其徒不

得寓目先生爲文高言潔韻遠出塵濫之外場屋主文俗士不能鑒也然先生弟子以其說獲雋於鄉會試者十餘人矣得失要自有數不繫乎其文士自從所好耳如先生乃真信道篤而知所守者也編修府君嘗謂先生文似明羅文止詩似宋楊祕監云子二 今皆亾有孫績曾孫東樹能世其家學先生弟子今僅存三人皆年七十矣與績謀葬先生而鄆豫爲之誌曰

其守頽頽以古爲則不爲俗惑英英高雲以壯其文絕於穢氛生名弗耀沒迺藏兆弟子所悼營是幽宮龜言旣從以安厥終

陳孺人權厝志

孺人仁和陳氏女也父琛母程氏通文字以課子女故孺人自少讀書能爲詩文而其志慨慕古女子賢哲有節行者不欲以才藝自居也故其爲詩質直慷慨義嘗近古不若世女子流連風景爲媚好悅人之詞孺人適江寧胡君名培胡君居貧甚孺人時以文字慰其意旣而胡君病沒遺三子二女皆未婚嫁孺人執女紅爲衣食暇則教子女與之論古今爲學又性解醫術里中婦女有疾往往請爲之方孺人於富者尠所求於貧者或濟之藥雖自處乏困不恤也其子女率皆成立婚嫁幼

子鎬從姚鼐學鼐見孺人詩曰合簫樓稿歎謂今女子作詩者之冠雖流俗淺人論詩者未必知也而後世必有知之者已孺人嫠居三十四年嘉慶三年十月卒年六十八鎬與其兄鎮鑑權厝夫人於江寧城北鼐爲之銘銘曰

居庠里志高矢藏無有而學富其身可亾名不毀吾爲命之女君子

奉政大夫江南候補府同知軍功加二級仁和嚴

君墓誌銘

井序

君諱守田字穀園杭州仁和嚴氏祖諱士奇贈奉政大

夫考諱立功爲虞城主簿封奉政大夫君少遊濟南寄籍運學爲諸生遂中乾隆辛卯科山東鄉試舉人乾隆四十六年挑發廣東知縣初任陽江縣未至境有迎吏來與君語少習見君囊橐貧甚誘君以利君問何以取利吏曰邑有賣漿者毆人死而多以富室繫數十人矣君至咸脅以罪千金立致也君曰諾至縣日卽坐堂上山所寃繫囚盡縱之去獨留一囚訊之囚卽服罪賣漿者也迎吏捧贖在側摔下痛杖黜之是時方傾市來觀上新令見君治此吏譴呼動地君名聲一日大起調仁化與巡撫孫公士毅爭獄君辭厲孫公變色旣而卒從

君議夏以重君遂調之番禺凡獄事多委君以母憂去
官服闋再赴廣東補順德知縣治海盜有績屢辨難獄
又調南海番禺南海皆大府治所君兩莅之人見其意
思如暇然而政無不盡是時孫公擢爲總督率兵出關
討安南之亂公故奇君才檄之從軍及市球江之捷敘
功入奏 賜孔雀翎五品頂帶君才蓋見端緒矣旣而
與孫公偕返孫公內召嘉勇公福康安代其任福公亦
重君才君議論其前必盡福公常聽其說於事多便乃
保題君引 見 命記名知府而發江南以同知用在
江南三年屢委署未及真授而遭父憂歸其署淮安知

府時值旗丁以各縣助之費少爲詞數百人大噪淮上
漕使之門君往召衆前使訴其意君徐曰助費在州縣
今爲爾自漕使飭下道道下州縣取費至則汝候久矣
不亦病乎衆曰然君曰是誠非吾職然吾當爲公濟汝
以私財汝等張颿疾行可矣於是命之次第發而稍資
給之竟無事江淮人咸稱頌君有定亂才君旣歸數年
竟不復仕於嘉慶四年四月十日卒於里年五十有二
君文章無不能而秦隴尤善通曉兵事便騎射爲舉人
時偕人遊塞上與侍衛武人共讌飲角射君最後發三
矢中的如一武人大愕沮屈君從容就坐題詩偃面而

去其在孫公軍中誠欲盡其謀以共立功于域外不幸
值阮氏之變軍潰功不就然古人始敗而卒建大功如
孟明之類史冊多有其後孫公猶被 睿遇卒收庸蜀
桑榆之效而君竟不復試于軍旅矣世孰由知其才之
異也君在江南時嘗一來訪余與言果明決異士其後
余至杭州又遇君而君無意用世亦旋歿矣娶莊宜人
君在江南時宜人率生炳及兩女側室范氏生煥亦兩
女胡氏生燾吳氏生煦某年月日葬君子杭州天馬山
祖塋之側莊宜人祔銘曰

旣多文又秉武臨溟海江淮潏鋤黠猾柔強禦意超遠

事所必無也治家不能極於儉嗇而矜奢縱佚之事所
必不爲也尤喜稱人之善聞人不善雖於余前亦絕不
言余迂謬違俗仕不進而家不贏宦人不怨願以爲宜
然以余所遇不偶獨幸得宜人偕居室十五年而今又
死矣乾隆四十三年兩淮運使朱子穎請余主梅花書
院又勸以家往宜人之疾以多產氣虛瘁無良醫或反
以藥疎其氣故以閏六月朔殯於揚州宜人高祖爲張
太傅文端公曾祖爲少詹事諱廷瓚祖爲贈奉政大夫
諱若霖而今四川屏山令君爲宜人之父其母又館姑
也皆在屏山隔數千里不知其亾也余先娶亦張氏同

出文端之父遺一女宦人視之殆無以加其善旣沒所
出子女各二幼不甚知哀而長女之慟不可聞八月柩
還厝之縣南五里而銘其室曰

循階庭立軒楯窮若存負超遠風幽幽栩栩哉返稚子嬉
潛來盼眄以須精霧散歸無窮物之本固荒忽曠靡戀
生奚欣死奚怨厝委形於此館

江蘇布政使方公墓誌銘

并序

公諱昂字叔駒其先由歙遷於義烏自公祖諱紹倫以
上居義烏二十三世至公考諱起英乃遷歷城祖考皆
贈江蘇布政使公十三歲而孤貧甚爲歷城諸生親執

薪汲以養母而其意怡然乾隆壬午科舉山東鄉試辛卯恩科成進士授刑部主事居刑部十餘年再擢至郎中其執法平用心仁恕屢以此與上官爭至忤而公不變所守乾隆五十四年授饒州府知府饒州人甚愛之朞歲命擢爲江蘇道交印將發矣而營弁以捕私鹽擾民於德興民大驚恐皆欲奔亡公曰吾不可辭此責馳往民見公卽定公旋請削武弁職而寘民之犯官閭衆者於法然後至江蘇待缺以委審積案三百餘勞甚致疾薨解病痊引見復發江蘇署松太道事值海上盜近寶山總督率兵至寶山防之公籌軍需甚備盜旋

去公乃建八策大府頗用之以弭後患次年補江寧鹽
巡道公以爲吏治不善與民俗之惡二者每相因而益
甚故其與諸生庶民語皆諄諄教之如子弟知其貧乏
者時濟以資至懲治姦蠹則極嚴峻嘗早暮聽訟不懈
民益趨公所而訟人或謂此非觀察之體也公曰然使
舉吾職視不肖令長盡汰之吾坐受成豈不善然其勢
不得非如此何以盡吾心哉自公臨江寧凡五年吏民
風習之尤惡者大抵皆革而士皆親公矣旋擢貴州按
察使行日民涕泣送之連塞數十里公亦爲泣顧而不
忍去今上夙聞公治名矣及臨大政卽擢公爲江